

奉天通志

沿革
四角之三

奉天通志卷五十一

沿革志

甄錄大事既竟次及沿革沿革蓋與疆域對舉有一縱一橫之分沿革考古屬於縱疆域紀今屬於橫二者之分限不可紊也茲述沿革依代遞敘始於虞夏與大事志之始於秦漢者異蓋一以事蹟爲主無徵者宜付闕如一以封域爲主有徵者不容割棄故也先之以正史地理志次之以羣籍正史所不能詳始取羣籍證之唐代以前先舉州郡次及諸縣諸蕃其他城鎮要津悉加甄錄此以詳贍爲主者也自遼訖清去今未遠建置漸繁文獻足徵苦難悉數故擷其要而畧其細此以簡要爲主者也然論唐代以往襄平之與遼陽營州之與柳城是否一地玄菟安東故府丸都安市

舊城所在滋疑渤海扶餘遼易黃龍遼代顯州金稱廣寧金之咸平元名開元皆非一地以及婆娑府曷蘇館之所在三萬衛建州衛之徙置若斯之類又非一事博稽明徵加以辯駁詮次之際頗費鑽研甄明沿革是所尙也統部所敘訖於清季厥後釐正制度悉名爲縣民國之際或有增設是爲各縣沿革以表詳之附於志後且近代考沿革者楊氏不復有表李氏兆洛楊氏守敬有圖而楊氏尤以後出而精然皆詳於腹地畧於邊疆惟楊氏同桂之盛京疆域考悉本正史地理志考辨頗詳體裁亦善本志所資實在於是間有譌誤並爲刊正蓋考證地理旣貴博涉復資目驗史公讀書必曰周覽亭林著述取證村氓古今一揆不可誣也述沿革

志第二凡得八卷

沿革一

統部一

虞夏商周燕秦漢後漢

虞夏商俱爲幽營二州地

幽州

一部入
河北省

營州

一部入
山東省

書舜典肇十有二州注馬融曰禹平水土置九州舜以燕齊遼遠分燕置幽州分齊爲營州鄭康成曰舜以青州越海而分齊

爲營州冀州南北太遠分燕以北爲幽州

孫星衍尚書
今古文注疏

史紀夏本紀正義舜分青州爲營州遼西及遼東

通典州郡典

青州

舜分青州爲營州其遼東之地安東府宜禹貢

青州之域也

又州郡典

府安東

舜分青州爲營州牧宜遼水之東是也

大明一統志

二十

禹貢冀青二州之域舜分冀東北爲幽州卽

今廣寧以西之地青東北爲營州卽今廣寧以東之地

遼東志
讀史方

輿紀要
俱同

盛京疆域考禹治水作貢但爲九州及舜卽位始分冀州東北
醫巫閭之地爲幽州又分青之東北遼東等爲營州

按今奉天省爲舜時幽營二州之地前書已有明徵而以明

一統志之解釋爲最晰可以爲定論矣

禹貢冀州島夷皮服夾右碣石入於河

史記夏本紀島夷皮服集解鄭立曰島夷東北之民搏食鳥獸

者

東按禹貢所紀之冀州尙在舜肇十有二州之前賅舜時之幽州所謂島民皮服旣指東北之民而言自賅今奉天省在內史記索隱碣石山在北平驪城縣西南水經碣石山在遼西臨榆縣南水中據此則碣石應在山海關內濱海之地禹貢統敘故併言之

又按禹受舜禪後諸州之名無考當仍舜十二州之名而無改併今奉天省在夏代仍屬幽營二州境爾雅釋地燕曰幽州郭注自易水至北狄

又釋地齊曰營州郭注此蓋殷制

按殷制九州與舜時異然幽營二州之名不廢今奉天省屬之

肅慎

附

北發

附

史記五帝本紀北發息慎咸戴帝之功索隱北發北方國名集解鄭玄曰息慎或謂之肅慎東北夷

按山海經不咸山在肅慎國不咸山卽今長白山也故知肅慎國地有一部入今奉天省何秋濤王會箋釋謂北發卽逸周書發人亦卽今之輝發也其說無確證姑附係以備考

伊慮

符婁

逸周書王會解伊尹朝獻商書伊尹受命爲四方令曰臣請正東符婁伊慮

按王氏補注以符婁卽夫餘伊慮卽醫閭皆在今奉天省其說詳後

周爲幽州地

幽州

一部入河北省

周禮職方氏東北曰幽州其山傾曰醫巫閭

爾雅釋地東方之美者有醫無閭之珣玕琪焉郭注醫巫閭山名今在遼東

楚辭遠游篇夕始臨乎微閭王逸注微閭東方之玉山

盛京疆域考職方氏之幽州蓋環渤海而抱其三面非盡遼東境也而遼地亦在幽州內矣

肅慎

附

左傳

昭九年

肅慎燕亳吾北土杜預集解肅慎北夷在玄菟北三

千里

逸周書王會解正北方稷慎大塵孔注稷慎肅慎也貢塵似鹿

國語

魯語

武王時肅慎氏貢楛矢石磐長尺有咫

史記孔子世家孔子在陳有隼集於陳廷而死楛矢貫之石磐
矢長尺有咫陳潛公使使問仲尼仲尼曰隼來遠矣此肅慎之
矢也

按肅慎國之本部在今吉林省境故杜氏謂在玄菟北三千
里然玄菟漢郡杜氏之所謂肅慎卽漢時之挹婁也當周之
世肅慎國有不咸山其一部入今奉天故附及之此後則不
復再舉

發人附

逸周書王會解發人鹿人孔注發亦東夷盧文昭云發北發也

屠何附

逸周書王會解不屠何青熊孔注不屠何亦東北夷也

管子小匡篇桓公伐山戎敗胡貉破屠河

通鑑外紀周惠王三十三年齊桓公救燕破屠河

大明一統志二十徒河城虞舜之時已有此城

按此所謂屠何屠河疑卽晉以後之徒河明統志謂舜時已

有徒河城則更先於周代矣

東胡附

逸周書王會解東胡黃熊孔注東胡東北夷

奉天通志 卷五十一
按東胡說詳後

燕爲遼東遼西兩郡地

遼東郡

遼西郡

其遼西一部
入河北省

史記匈奴傳其後燕將秦開爲質於胡胡甚信之歸而襲破東

胡東胡卻千餘里燕亦築長城自造陽至襄平置上谷漁陽右

北平遼西遼東郡以距胡

又蘇秦傳燕東有朝鮮遼東

餘從略

又秦始皇本紀二十一年燕王東收遼東而王之

又荆軻傳燕王喜太子丹盡率其精兵東保於遼東其後李信

追丹丹匿衍水中

按衍水今
太子河

又貨殖傳燕東北邊胡上谷至遼東地踔遠人民希數被寇

漢書

地理志略同

漢書地理志武王定殷封召公於燕其後二十六世與六國俱稱王東有遼西遼東

按合史記諸紀傳及漢書觀之遼東西之置郡實始於燕而襄平亦燕所置縣而秦因之

東胡

附

史記匈奴傳燕北有東胡山戎各分散谿谷自有君長往往而聚者百有餘戎然莫能相一

漢書地理志燕北隙

訓際

烏丸夫餘

按

烏丸東胡一種

眞番

附

史記朝鮮傳自始全燕時嘗略屬眞番朝鮮爲置吏築鄣塞
又貨殖傳燕東綰穢貉朝鮮眞番之利

漢書地理志燕東賈眞番之利

按眞番國名始見於燕時爲江鴨綠江上游及佟佳江流域
之地迨漢武定朝鮮始因以置郡

秦爲遼東遼西兩郡地

遼東郡

遼西郡

同燕

史記秦始皇本紀二十五年分天下爲三十六郡集解曰三十

六郡者遼西遼東

餘從略

又蒙恬傳秦使蒙恬築長城因地形用制險塞起臨洮東至遼

水海上

水經注

大遼

秦始皇二十二年滅燕置遼東郡

按燕王喜三十三年秦拔遼東

滅燕即始皇之二十五年非二十二年也酈注有誤

東胡

附同

眞番

附

史記朝鮮傳秦滅燕屬遼東外徼

指眞番

漢初

楚漢之際

爲遼東國燕國地

遼東國

燕國

史記秦楚之際月表楚義帝元年一月分燕爲遼東二月王韓

廣始故燕王三月都無終八月臧荼擊殺廣無終滅之屬燕立

按通鑑胡注無終屬北平郡非遼東郡考史記高祖本紀立
燕將臧荼爲燕王都薊故燕王韓廣徙王遼東廣不聽臧荼
攻殺之無終秦楚之際月表秦二世乙亥十二月分燕爲二
國索隱燕遼東也蓋羽項羽分燕爲燕遼東二國使臧荼王燕
徙故燕王韓廣王遼東廣不聽都無終不去臧荼攻滅之故
遼東復屬於燕至高帝五年而燕國除

又按漢初以遼東遼西兩郡屬遼東國燕國非廢郡而置國
也

眞番

附

史記朝鮮傳漢興滿亡命東走出塞稍役屬眞番朝鮮蠻夷孝
惠高后時滿得兵威財物侵降其旁小邑眞番臨屯皆來服屬

傳子至孫右渠眞番旁衆國欲上書見天子又擁闕不通

史記太史公自序燕丹散亂遼間滿收其亡民厥聚海東以集

眞番葆塞爲外臣

按說詳漢眞番郡下

漢爲遼東遼西玄菟三郡地

幽州

遼東郡

治襄平

漢書地理志

以下稱漢志

遼東郡秦置屬幽州縣十八

襄平

新昌

無慮

望平

房

候城

遼隊

遼陽

險瀆

居就

高顯

安市

武次

平郭

西安平

文

沓氏

番汗

史記朝鮮傳漢興復修遼東故塞至沮水爲界

又周勃世家勃以相國代樊噲將下薊得綰遼西遼東二十九縣

案漢代遼東西兩郡共三十二縣蓋後有增置也

襄平

遼東郡附郭縣

漢志襄平有牧師官莽曰昌平

水經大遼水出塞外東南入塞過遼東襄平縣西注遼水自塞外東流屈而西南流逕襄平縣故城西王莽之昌平也

又注小遼水又西南逕襄平縣爲淡淵又逕襄平縣入大梁水新唐書地理志安東都護府故漢襄平城也

遼東志一襄平城在遼陽城西北隅今定遼左右後三衛治